



**USAID**  
FROM THE AMERICAN PEOPLE



## MCC ho Timor-Leste: Halao Parseria hodi hadia Imunizasaun; Luta Kontra Korupsaun

Timor-Leste nia programa threshold ba tinan tolu, hetan fundus besik miliaun 10.5 husi Millennium Challenge Corporation nebe designadu atu hadia servisu rai ne'e nian iha area politikas nebe avalia husi MCC nia indikadores ba Kontrola Korupsaun no Niveis ba Imunizasaun. Programa ne'e halo ho intensaun atu redus korupsaun liu husi hari network ida ho instituisaun Anti-Korupsaun no aktor sira nebe funsiona no efektivu liu husi hasae ka hametin kapasidade, hadia liu tan linha koordenasaun, inklui hadia prosesu no regras atu hodi hases no detekta hahalok korupsaun. Ida ne'e mos sei hadia asesu ba servisu imunizasaun nian hodi kria kbi'it nebe bele no efektivu ba sistema saude komunitaria iha Timor-Leste hodi hametin liu tan unidades sentru saude lokal komunitaria nebe iha, hadia liu tan jestau imunizasaun no vasina hodi prevene no hase'es an husi moras, hadia liu tan servisu no hadia liu tan numeru ema nebe bele fo servisu saude nian.

### Hanoin Husi Programa ne'e.

#### **Komponente 1 – Hametin Liu Tan Esforsu ba Anti Korupsaun**

Timor-Leste nebe foin ukun an iha tinan walu nian laran, desenvolve ona instituisoens no nia mekanismus nebe sei halao nia knar hodi controla ka combate korupsaun.

Komponente 1 husi programa ne'e halo ho hanoin atu buka tuir hahalok korupsaun nia liu husi aprosimasaun integradu nebe sei involve mos instituisoens xaves no autores atu hari sistema kompriensivu ida hodi prevene, detekta, no fo sansaun ba ema sira nebe uza sala osan estadu nian. Timor-Leste nia instituisoens no aktor sira seluk sei inklui mos Komisaun Anti Korupsaun nebe foin hari, Prokurador Geral, Planu Autoridade Audit externa, Planu komisaun Prokuremen indenpendente, Parlamentu, no Organizasoens não Governmentais, media, seitor privadu no akademiku sira.

#### **Komponente 2 – Hadia asesu ba Servisu Imunizasaun**

Servisu imunizasaun nebe halo iha Timor-Leste sei kiak liu entre rai sira iha Asia Sudeste. Ida ne'e akontese tamba asesu ba iminizasaun liu 20% husi sucos iha nasaun ne'e nian sei susar nafatin. Nune'e mos sei iha limitasaun husi numeru ema qualificadu atu halo servisu iha terenu, no jestau halo vasina no kontinuasaun atu hase'es an husi moras insufisiente ka la to'o.

Komponente 2 husi programa ne'e halo atu kria sistema saude komunitariu ida nebe iha kapasidade no efektivu liu husi dalan hametin unidades saude komunitaria lokal nian, hadia gestaun imunizasaun no vasina hodi prevene no hase'es an husi moras, hadia liu tan ema nebe fo servisu, no hadia liu tan numeru ema nebe qualifikadu iha saude atu atende servisu. Atu minimiza, impaktu husi programa ne'e durante tinan tolu nia laran, programa ne'e sei target iha distritu 6 iha nebe labarik sira barak nebe atu hetan imunizasaun seidauk kobre husi projeitu doadores sira seluk.

### Implementasaun

Ajensia Estadus Unidus ba Dezenvolvimentu Internasional mak sei jere programa ne'e no responsabliza ba koordenasaun, halo kontratu, no jere finansiamentu. MCC sei nafatin halo fiskalizasaun ba programa ne'e.